

八瓊室金石補正續編

唐十七

監察御史李君夫人崔氏墓誌銘

方二尺弱三十行行三十字字徑六分正書

漢

大唐故監察御史趙郡李府君夫人博陵崔氏墓誌銘并序
夫人博陵人也崔氏之先者在國諒河魴之喻歎美詩人雕
龍之作擅名漢史語姻族之家共稱齊大叙少長之列不為
任齒曾祖行功秘書監祖景鄴縣令父仲容醴泉丞並垂裕
多聞象賢不乏封祖元暉神龍初立大功於國封博陵王讀
班彪之文漢德斯在知絳侯之器劉氏必安由此諸宗以博
陵為稱首矣夫人幼而敏晤動識機微氣調精明天与淵順
七歲讀女史十一就婦功豈織經組紃不□事業將前言往

博

行以成規矩秦晉正也歸 我府君焉體後人之義得嘉偶
之名歆則如賓禮猶行古宜其家室辟彼瑟琴況中饋克脩
外言不入使六親取則二姓交歡閨門肅然如不可犯 府
君之履臺憲也以持斧之雄受登車之任江湖風靡甌越星
馳時霽威嚴亦由輔佐及 府君之沒世也夫人纔廿九矣
位登柏署 朝廷嗟不憇之遺年若薜華中表切未亡之痛
以世業在洛自西徂東長悲楚紹之孤不絕敬姜之哭一女
在纓襮三子尚嬰孩殆厯三時方誕季女蓋生人之至艱矣
夫人銜酸茹泣義深節苦屬家本好儉歲仍不登不厭糟
糠不辭浣濯以身率下以悅使人屢報農收遂安反側而親

脩 授諸子夙興不怠能脩業者存以煥休未成功者先之夏□

故累歲之浚登孝廉者數人詩禮所至比之嚴父矣善乎

府君之世昆弟孝友夫人之家上和下睦內外一體其教

可知居有孟德之賢行有班隨之賦積善餘慶議者崇之自

歎 夫人之初并也以府君素無怙恃乃歎曰幸承巾櫛不

逮舅姑從習鞞紳之儀終無奉戴之日故睦娣姒以申義和

親族以輔仁喪不渝節禮也勤則不匱智也能訓諸子慈也

孤 夫人有伯兄季弟長姊孤姪或死生契闊時命叱否拯乏

救懸常若不及事不跡而心已行此胡質清畏人知介推文

不求顯此 夫人之孝也有具美而降年不永哀哉天寶十

壽 載正月遘疾十二日終于東京仁和里之私第春秋六十其
歲十二月十二日辛酉葬於壽安之北原不忘本也初 府
陽 君之殯也近在洛陽距 夫人之喪世餘年矣雖魯人之祔

宜恭行於典禮而滕公之室惟多厯於歲時詢諸哲人且有
後命愛子懿文不幸早世長子前東海郡司法宅心次子前
許昌尉居中等倉卒無地充窮靡依歸而不言願述先志其
銘曰 長岑之先世擅雕龍先祖濃子異缺之門如賓之敬
其儀盛子樞伯既喪言歸於東禮由衷子厯訓諸子克成子
學咸終角子就其祿養使有令名風教清子福善伊何莫踰
中壽垂不朽子伊洛交會嵩邱復數陵谷子恩慕四極施

及宗親顧百身予合祔有期保茲同穴嗟永訣予

夫人曾祖行功叔祖元暉兩唐書俱有傳行功官祕書
少監元暉以誅二張功封博陵郡王與誌皆合世系表
行功次子景不著其為鄆縣令景一子署而不載次子
仲容可據揚誌補之傳言元暉三世不異居家人怡怡貧
寓郊墅羣從從皆自遠會食無它饗誌稱夫人之家上和
下睦來內外一體蓋謂此也夫人淑耐行不愧賢婦可知其
所由來矣李君官監察御史不著名諱無可考世系表
東祖李氏支有名居中者官光祿主簿其父諱官監察
御史誌載夫人幼子居中未知即其人否壽安為今河

南宜陽縣石出土當在是誌文書法俱佳圖牒作諫
字从世避太宗諱作云而碑中世字凡四見皆不缺筆
何也

高子珍書佛像經讚碑

石高二尺一寸廣一尺一寸側厚三寸三分正碑上載佛
龕下載心經十五行行十八字方格經六分餘右佛名一
行碑陰讚十二行行十五十六字直格經八分一則題名二
行字徑八分至寸許一則一行字較瘦小俱正書間有行
在碑

□□□羅蜜多心經

經文
不錄

南无藥師瑠璃光佛

在龕
右闕

右正
碑

釋迦牟尼佛阿弥陀佛等讚

并序

原夫釋教幽深法門冲寂不生不滅窮大聖之真誠如幻如
泡□凡愚之虛□或演三十於世界至理煥然或□万□於

祇園回巢交映有斐君子善哉□□捨無用之資財成有為
之功德聯聯□眼池蓮比而不華皎皎朱脣園□□無色
以此成就無讚揚寤寐之間因為頌曰 道門闢芳無不
遵知苦海芳有沈淪念茲人芳能歸真捨□為芳戍法身願
祇園芳巢樹春千万載芳日弥新

天寶十一載七月十五日記

右碑陰

佛弟子左監門直長高子珎書

母郝 妻張 男出言妻褚

右一側

女
側右
一
女
夫
門
令
宿
外
甥
下

趙圓智等為光業寺僧造塔題記

二石各高三尺一寸廣一尺一寸經一石十二行行字不一行書字均從
六字正書記及題名一石十二行行字不一行書字均從
六七分
在陸平

窠多心經一卷

經不
錄

歲佛

維大唐天寶十一載歲次壬辰七月乙巳十五日己未下佛

弟子姪男趙圓智李自遠張智昂張敬信張阿難七十四人

等同捨淨財為已過和尚光業寺主僧俗姓趙諱成造

石寶塔一所上為天皇天后下及師僧父母法界倉生同

苦門俱登覺道弟子本寺都維那僧去俗寺主僧常省

唐天寶十一載七月十五日

僧道超僧智通僧談一 阿闍 誓空 崇嗣 敬因 平

等

成堂姊尼普明 尼普淨 姪女嚴化

寺都維那尼如空 尼正觀 尼覺曇 尼八娘 尼光相

尼修果尼惠登 尼修空 尼淨法 尼修定 尼十娘

尼法光 尼修法 尼普光 尼法照 尼法藏 尼法

雲 尼淨空 尼秤心 尼阿過 尼四禪 尼因果 尼

无染 尼修行 尼觀空 尼什二 尼尹什 尼四无量

尼阿舍 尼阿妃 尼正念 尼了空 尼修戒 尼修穽

尼修果 尼莊嚴 尼具相 尼真淨 尼照塵 尼

寶積 尼明相

成兄明真觀道士 上座潘歸真 兄嘉祥 嘉運 嘉應

姪男什二

為和尚造塔作記書俗姓及諱不署釋氏名號非法也
天皇天后為高宗武后尊號而神龍以後諸造像往往
有稱天皇天后者村豎無知固沿為帝后通稱矣記言
七十四人同捨淨財今列名在石者六十三人其兄但
書明真觀道士而不書名何也

李舍邨造像記

高九寸廣六寸五分六行行
十一字字徑五六分正高

天寶十一載七月廿四日李舍邨上輕車都尉為亡父母造
阿彌陀佛一鋪

像男令兒女大娘女二娘女三娘下

合家供養

右與神通寺造像同得疑在歷城然山左志及他著錄
家均未載

張璪墓誌銘

高一尺五寸二分廣一尺五寸二十五行行二十五字方
界內經六分餘題字較小撰人名在後題下尤小正書

大唐清河張府君墓誌之銘

井序

奉義郎前行儀王府兵曹參軍張晏撰

公諱璪字承宗清河東武城人也弧星命氏鵲印傳芳歷三
代以相韓因五星而輔漢可謂廿載其美矣曾祖淵隨開府
儀同三司江南遼東二道行軍總管衛尉卿上大將軍文安
縣開國公食邑壹千戶謚曰莊德懋懋官功懋懋賞勲賢之
業克備于茲祖孝雄唐尚革直長湘源縣令鄣府司馬鳳輦
是司鸞庠作化以資佐理實右題與孝敬之侍御史司勳郎

漢中軋封縣令漢州刺史太府卿禮部侍郎栢署霜威滿衣冠

於

北闕含香伏奏振起草於南臺三異久聞六條邇

關懷司出納光我禮聞公即侍郎公之元子也弱歲以宿衛

出身中年回常調廉職授秦州各軍事子卿之秩未展驟於

長衢王佐之才且參名於州縣方將陟遐自迓必復於公侯

間謂夜壑舟移遽先於風燭秀而不實良以悲夫以神龍二

年十一月十一日終于東京溫柔里之私第享年叁拾有陸

夫人卿瑯王氏祖方茂伯祖方慶唐中書令同中書門下平

章事承相門之慶結得女則之深規識稟天資禮踰師訓貞

芳懿範穆以姻親服游齋心恭於祠祀將福壽於餘慶何積

章

仁而不昌以開元拾柒年柒月貳拾伍日蓮疾終于東京壽
安縣之別業享年七十有二並以天寶十二載二月十二日
同歸祔于京兆府金城縣三陂鄉舊塋東北卅二步禮也嗣
子恒前饒陽郡鹿城縣丞行爲物範才實天經凌積慕於高
堂竟流悲於風樹九原長往萬古何追痛泣血以銜哀期貞
石以表德俾余作言用紀元扁者歟其銘曰

鍾鼎承家軒裳祖德相韓繼代輔漢表則勲賢克備邦家允
塞并華傳芳威儀不忒邈哉懿範寔曰哲人才標吐鳳業著
成麟一命非偶二豎何親舟移夜壑年夭青春中野言歸卜
宅于此日下荒隴煙埋蒿里颺颺松風哀哀孝子昊天同極

生涯已矣

石當在西安近時出土故不為前人著錄張璠曾祖淵
隋書北史並作翕北史云本名犯廟諱是翕為史氏所
改也誌載官位與傳合惟誌稱文安縣開國公傳第言
封文安縣子而進爵為公與除衛尉卿皆脫漏其謚曰
莊隋書亦闕誌稱江南遼東二道行軍總管傳特書開
元十八年為行軍總管從漢王諒征遼東於其先從楊
素征江表及會稽臨海等役未嘗言為行軍總管也祖
雄考敬之及璠並無致雄為鄆府司馬鄆州有都督府
故曰鄆府敬之官侍御史司勳郎中乾封縣令隲州刺

史太府卿禮部侍郎按司勳郎中從五品上乾封屬充

州為上縣令從六品上是降四階也漢州為上州刺史

從三品從太府卿同敬之以縣令授刺史則又超十一階矣疑

撰誌者之有所略也夫人王氏祖方茂見宰相世系表

宏訓子伯祖方慶名緄宏直子以字行萬歲通天元年

同鳳閣鸞臺平章事鳳閣即中書鸞臺即門下皆武后先宅年改聖祚元年

以老乞免其後歷職及贈官皆無中書令之文誌或有

誤璫與夫人歸附京兆府金城縣三陂鄉舊塋金城本

名始平景龍四年送金城公主入蕃別於此因改金城

至德二年改興平長安志興平縣唐有二十鄉扶風湯

祠二鄉外皆不傳此三陂鄉乃逸名之一可據以補之
璩子恒饒陽郡鹿城縣丞饒陽郡即河北道深州天寶
元年改乾元元年復為深州鹿城本屬深貞觀十七年
改屬冀先天二年復故至德二年改為東鹿今直隸保
定府東鹿縣是也撰文者行儀王府兵曹參軍張晏歐
表始興張氏有名晏者韶州判官殆非此人儀王名璩
明皇第十二子開元十三年封

雲門山投龍詩刻

高四尺五寸廣二尺五分十八行行三十九字字
徑一寸正書在益都雲門山洞西關帝廟後北崖

闕標題

北海郡太守趙居貞述

渤海吳□書

郡人李元莊镌

以上在
標題下

上闕歲辜月己巳中散大夫使持節北海郡諸軍事守北海
六字

郡太守柱國天水趙居貞登雲

上闕
五字

□壁奉為

上闕大寶聖文神武□□皇帝祈福也先是投禮太守不行
四字

以掾吏代之余是年寢月戾止以為

上闕
三字

□宜牧守躬親俾

吏輟代固非禮也當是時上元投禮猶未備余責龍壁觀之

皆不肖於是詰旦數人更易撰良日躬詣祈福爰及中元下元並躬行

聖上祈長壽祝拜焚香投龍璧禮畢有瑞雲從洞門而出五色紛郁迴翔空中有聲曰

皇帝壽一萬一千一百歲預禮者悉聞之余乃手舞呈蹈賦詩以歌其事遂於巖前刊石鐫以紀之

曉登雲門山直上壹千尺絕頂弥孤聳盤途幾傾窄前對豎裂峯下臨削成壁陽嶽靈芝秀陰崖仙乳羣山遠望何所隔太陽未出海曠晃半天赤大壑靜不波渺漠無際

溟

孤碧是時雪初霽
近寒冰更積業展送龍儀
甯安服孤白

惟

聖主祈福存方伯
三元章醮昇五域
真仙觀帝幕翠微
旦机茵丹洞闕祝
起鳴天鼓拜傳端
素冊霞間朱紱縈
嵐際黃裳璧玉奉
誠信侯奔驛香氣入
岫門瑞雲出巖石
至誠必招感大福
旋來徂空中忽神
言帝壽萬千百

陳方外相

長史鄭山甫楊幼玉李潤司馬段說門

錄事參軍崔晏司功劉克烈益都令裴昇丞李俊

薄張思尉裴興
上問約
六字
歌

參

軍王口微 鄭廷杞

右碑文段赤亭嘗以全唐詩校之頗多異同茲皆注本文之下前稱北海郡太守趙居貞述渤海吳口書文可見者
奉月已巳中散大夫使持節北海郡諸軍事守北海郡太
守柱國天水趙居貞登雲閣奉為閣大寶聖文神武口
皇帝祈福也案全唐詩載此序享月上有大唐天寶元默
歲七字攷舊唐書元宗紀天寶七載三月羣臣請加皇帝
尊號曰開元天寶聖文神武應道許之八載羣臣上皇帝
尊號為開元天寶聖文神武應道皇帝今是碑所書尊號
與紀合按碑作大寶又歲在壬曰元默十一載為壬辰居貞以

是年到官則為十一載無疑矣段赤亭據文獻通攷中宗先天元年舉手筆俊拔科有趙居正同杜昱等及第正即貞避宋仁宗廟諱也又言全唐詩居貞鼓城人任吳郡採訪使天寶中官北海太守斯言可徵其實

山左金石志

右雲門山投龍壁詩為北海太守趙居貞作居貞新唐書附見趙冬曦傳稱居貞擢進士第吳郡採訪使元和姓纂居貞比部員外郎皆不言為北海太守亦闕文

平津詩碑記

全唐詩載此與石本異同者具見山左金石志今以志與打本對勘畢阮二公所錄亦多闕譌二行歲字三行壁字五行宜牧守躬親俾吏輒八字六行數人更易四

字八行聖上新萬壽五字九行皇帝壽三字預字悉字
十行曉登字孤字下臨字獻字十三行真仙字箇即字
祝起字十四行朱紱縈三字奉誠字俟字香字十五行
中忽神言四字十六行鄭山甫三字詵字十七行劉字
薄字十八行敬字叅字微字皆闕又余青龍壁觀之奪
龍字業展送龍儀業作恭至誠必招感誠作誠大福旋
來格格作格皆誤殆當日所據墨本搨不顯故也其志
所有而今本漫漶者旁書以別之志據全唐詩序首七
字定為天寶十一載立攷本紀天寶十二載十二月尚
書張為等請上尊號為開元天地大寶聖文神武孝德

證道皇帝是刻尊號已稱大寶上闕四格必開元開元天
地四字若十一載立則當稱開元天寶無由稱大寶其
上亦不當闕四字是居貞投龍賦詩在十一載而書刻
在十三載也惟神武之下僅闕二字與孝德證道四字
不符諦觀所闕二字並非蝕泐殆當日誤書舊號應道
因而鑿去耶序言投龍璧禮畢空中有聲曰皇帝壽一
万一千一百歲視漢武禮祭中嶽從官聞若有言萬歲者
三尤為誕妄 又詩刻來格作格按方言格也至邠唐冀
兗之間曰假或曰格又登也梁益之間曰格又來也周
鄭之邠齊魯之間謂之格爾雅釋詁釋文格本作格漢
費鳳碑歲格于大荒亦以格為之

初稿標目下有并漢側三字

本注下有側字三字不著十字

此乃未修寫

閼名金剛經斷碑

上截斷閼存高三尺四寸廣二尺二寸而陰各三十一行
行存四十九字左右圓削至首末兩行存四十字字徑五

六分

正書
經六十
行不錄

閼上顯

男西河郡陸辟府折衝都尉賜緋魚袋緒。□□□□

選絳

女五娘子 孫鋒 孫女閻九 孫女阿閼上駕負外

郎

孫女拔摩 孫女巧婦兒 孫女柳□□□四載二

月八日建 孫子文部常選漢書姪□從

碑側

皆村部男女題名錄書多
不或字行列錯雜茲不錄

右碑以經文校之上截斷缺四十至四十九字不等碑

陰經後題名所闕過半矣紀年就泐以載為年知是天
寶湮街稱文部常選按兩書改吏部為文部在天寶十
一載碑猶存四載字則天寶十四載所建也續緒絳為
兄弟行供其姓緒結街西河郡陸壁府折衝都尉舊書
河東道汾州天寶元年改為西河郡新書汾州有府十
二一曰六壁即此陸壁也太平寰宇記汾州孝義縣有
六壁城後魏書曰太平真君五年討胡賊於六壁即此
城也俗以城有六面因以為名據此則史作六壁為正
碑作陸壁者當時承訛沿用如此不然入街地名不得
以意造也

張萬頃題名

高一尺八寸廣七寸五分三行存
十字字徑一寸六分分書在曲陽

天寶十四載十月十六日閏使持節博陵郡諸軍事守閏太
守北平軍使張萬頃奉閏

全唐詩載有張萬頃詩三首云開寶間進士按天寶元
年天下州皆改為郡刺史為太守博陵郡即定州太守
北平軍使者北平軍例以刺史為使也

張毗羅墓誌銘

方一尺一寸十七行十七字首行十八字後宜一行
字位五方正書常然鄒泮生少字得自長安藏於家

國唐故定遠將軍守左武衛將軍負外置同正負上柱國內長

入供奉張府君墓誌

并序

公諱毗羅其先清河人也父諱毗羅奔義承家隱輜不仕

公累襲冲和之氣克遵高上之風芝蘭入室瑾瑜照廉其事

親也色難以養之其行異端智周以成之由是蕭潔邱園恬

澹霞月優遊朝市不違大隱之趣弋釣林泉有光豪士之迹

儀夫然者宜其夫奏天階羽儀帝坐公家其寵命遂拜定遠

將軍守左武衛將軍以天寶十四載八月廿七日薨于金城

里之私第春秋七十即以其載十一月十七日葬於承平鄉
原之禮也長子

咸哀泣血咸席沼穴孟常泣感於大

風賢陵卦劔於心許乃為銘曰

葬歲招

府君及葬升成西吉地夏明金鷄千秋萬歲兮松柏齊魂

魄

歸兮長不迷

大

太子文學王太貞墓誌銘

縱一尺一寸二分廣一尺五
分十九行行二十字正書

有唐太子文學王公墓誌銘并序

公諱太貞字太正陽平人也自文王荒國子晉錫胤累有明
德世為大家曾祖君懿高蹈不仕祖元度明經登科父修恪
安州雲夢丞並克慕盛烈休有令名或道不辱身或人浮於
食公雲夢之長子也弱則嗜學長而能文四時厚其和百行
豐於孝事友以信著居家以悌聞郡舉孝廉吏補正字登畿
表梅仙之望作栒宏孟博之聲屬新冊儲宮盛擇端士署
太子文學從人望也春秋五十有九遘疾終於歸義里之宮

弟五月十七日歸殯相州安陽縣西南六里平原禮也公大
而能廉光而不耀至於王國霸略八索九圖皆殷在胷中潛
發甚口宜為士林之宗長而不達於時者命也如沉如浮不
吏不隱造次與沛輒與道俱夫人修武張氏後夫人長樂馮
氏並苗且不秀先公而終繼夫人滎陽鄭氏禮而後動惠其
有章慟哭小其帷堂善訓深於斷織嗣子禕等孝能竭力哀
則如疑東西之人不可無識以文見託有為為之銘曰天日
與仁神日助直其道何有惟此哲人秉心泉塞圖不眉壽龍
腹之岡馬鬣之墳去此不復于嗟王君

誌云歸殯相州安陽縣西南六里平原是石當在安陽

出土碑估云在長安殆誤否則得石者攜入長安耳王
太貞誌稱陽平人唐郡縣無名陽平者或是舊望而廣
韻王氏二十一望亦無陽平其殯安陽曰歸則為安陽
人矣意陽平為安陽之鄉名古誌以鄉著實時有之也
葬書月日而不記年觀玩書法當在開天以前因附天
寶末祿掾之省秉心泉塞避高祖諱以泉為淵也銘曰
之曰与銘中兩曰字並作日二字古互用無別

擅專經引缺舉秀才缺俟甲科何必為儒拾其青紫公以溫清

左右文藝箕裘出將冠關西缺授沂缺高平郡沁

水府果毅絳郡桐鄉京兆崇仁二府折衝雖筮仕之初子雲

屈缺展騏驎缺將爪牙之任社稷之心不屑行間處

迴天眷加左司禦率府口式周廬缺羽林之候時

以山東餘孽尚軼口情分命我公宣慰四道徵甲口

缺一身艱缺蘇之詠河湟懷挾纊之恩二庭發貌武之師四

鎮叙琅玕之貢王室缺口閣豈獨武功雲臺而

已哉詔優公忠武將軍守左威衛將軍河西副持節西

缺口路人有光下車無何能事日集豈心才用不器所謂知

機其神此州之創也以 缺上口郊有野馬資彼外府以成軍

興况時之艱路之難不去食存信何猛而濟寬此 缺上口郊

修羽儀大張禮容 春彼勲舊有 詔詔公入朝

列郡居宇獨 缺上口口除伊西節度等使攝御史中丞霜威

夏寒勁節秋凜愍我戎律懿茲謀猷 缺上口飭保不凝於裏

吾道西矣此又公之惠澤若印傳甲仗警候田疇長幼夫妻

工 缺上口史榮陽門嶠謂司馬東海徐山戈大將軍河南富

去盈曰公之施惠不在報口 缺上口漢水徒有沉口之心人

去陝郊當銘聽訟之所余實不敏有媿於文頌曰

缺上天生公兮出口入幽竟不知變化所極吾將老聃以

青

為傳下生

缺上作而物觀公之心曉助口口口今古

缺上實缺近名黎庶異於木石洋缺

缺上口口在其口口生缺

右都督楊公紀德頌名貫年月並闕曾祖諱言亦無攷

楊君舉秀才棄文就武歷高平郡沁水府果毅絳郡桐

鄉京兆崇仁二府折衝左司禦率府進忠武將軍守左

威衛將軍河西副缺除伊西節度等使榮陽口璘等以

其列郡居守有惠澤勒銘紀之大略如此按天寶元年

改天下諸州為郡乾元元年復故高平郡即澤州絳郡

即絳州新唐書地理志澤州有府五一沁水絳州府三
十三一桐鄉^與碑皆合京兆有府百三十一名存者僅
十一碑有崇仁府其逸名也^此以知楊公為軍府都尉
在天寶年間矣左司禦率府東宮官屬^與散官忠武將
軍皆正四品上左威衛將軍從三品碑^與忠武將軍守
左威衛將軍階卑而擬高故曰守也楊公以宿衛出使
山東宣慰四道其下有河湟二庭四鎮等辭蓋天山之
東非齊魯之山東矣伊西節度^按唐會要始置於先天
元年兼瀚海使開元十五年分伊西北庭為兩節度二
十九年移隸伊西北庭都督四鎮節度使天寶十二載

以安西四鎮節度封常清兼伊西北庭節度瀚海軍使
越二載安祿山反封常清改范陽平盧節度使史不詳
伊西繼者為誰是時西北諸軍多出討賊碑於楊公曾
不一及而頌其惠澤是未與兵事者也碑在敦煌為唐
沙州楊公必審藩牧於此其建節伊西當在封常清之
後碑以誌去思其即立於除伊西節度時歟歟

張思元造金剛經碑

高存三尺九寸廣二尺八寸三十三行行存四十五至四十八字字徑六七分有額俱正書在宛縣

大唐定州北平縣東朝陽張思元為亡考敬造石經流傳供

養

五行在額字徑一寸七分

佛說金剛般若波羅蜜經

標題字特大跨兩行經文設在此下空一格起經不群

此刻經文猶未及半必尚有碑石否則一碑周刻陰側

銘禽僅拓其正面耳碑下截斷缺據經文數之每行應

六十三字缺七之二也張思元為亡考造者經後當有

題記年月惜不可見姑附唐表

碑在宛縣西十里東朝陽村真覺寺按北平縣志

唐表

封崇寺金剛經并心經碑

高四尺八寸廣三寸五分側廣六寸四分正而三十
三行左側六行陰三十五行右側五行行六十餘至七十
餘字不等字體六七分

金剛般若波羅蜜經

字徑二寸五分在額

經文不錄 金剛般若波羅蜜經

在陰末行之下

般若波羅蜜多

□□

經文不錄

般若波羅蜜多心經

在右側

此與張恩元金剛經碑均無年月世字不闕筆則經刻
有貞觀以後年號者亦不盡闕筆不得執此斷為武德
年刻也惟觀玩書法必在有唐六葉間至德以後未見

有此體格因類列於此

長孫氏夫人陰堂文

方九寸五分十一行行十一字字徑六分左行正書在京師端平橋家

長孫氏夫人陰堂文

夫人京兆杜氏曾祖之亮隨黃州刺史祖延昌皇朝邳州長史父靈麒麟皇朝威王文學夫人以哀疾不任踊慕逾歲以杖而不起年卅七終於集賢私第孝而見殯有異於曹娥泣血經年頗同於高子未及歸京師權安厝於

大塋北十五步之原禮也

定用聖武二年十月十七日

安祿山僭號建元聖武明年正月其子慶緒殺之襲偽

偽聖武二年十月十七日當唐至德二載

此

位改載初元年尋改天成此文作於祿山僭號之次年
為肅宗至德二載是年九月收復西京十月收復東京
夫人以十月十七日寔不書至德二載必地陷於賊故
也其猶稱聖武者意載初天成皆未通行於所踞地耳

王宗汶等造經像殘刻

存上截七寸廣二尺一寸七分前記三行經六行行存八字至十字不等字徑五分從題石六行字大小多寡不一正

國

奉為燕國范陽

王

下保壽千秋萬歲遂發

下

文字令眾

願立起及彫

下

心經不錄

以後空十六行

節度衙前虞候充營田管兵馬大將徐

下

節度左巡守提親事將太中大夫試

下

下

節度左巡守提判官盧龍節度

下

下

節度軍坊副將王宗汶母郭氏弟宗

下

唐天寶末

事將充都缸坊副將郝□□妻賈□_下

前馮橋防鎮馬步都銀□_下

縣東南五十里至信安鎮龍泉寺內有丰截唐碑記一通

首書奉為燕國范陽□王

_{永清縣志}

右碑在信安鎮龍泉寺後殿嵌入壁中上刻觀音像末刻節度衙前虞候云云等字年月無可考以官銜推之當是

唐碑字書甚拙無可觀採

_{永清文徵}

此碑無年月可考章學誠以題名列銜定為唐時刻石不無可據但未能定為唐代何時所立按碑中所載各官類多唐書百官志所未及宰相世系表亦無王宗汶郝君安

疑此為安史僭竊時所造考唐書地理志幽州范陽郡本
名涿郡終唐之世未嘗以燕名郡而叛臣傳安祿山僭稱
帝國號燕此碑首竟稱燕國顯尊祿山偽號此一可據也
唐書藩鎮盧龍傳朱滔僭號以祿山思明皆起燕俄覆滅
惡其名改號冀是燕國自安史僭稱以後不相沿襲此二
可據也地理志天寶元年改涿郡為范陽郡唐書方鎮表
天寶元年以幽州節度使改為范陽節度使寶應元年復
改為幽州節度使是天寶以前不以范陽名郡寶應以後
更不以范陽名軍安史之亂正在天寶之末寶應以前此
碑稱奉為燕國范陽王其時正符此三可據也又考藩鎮

傳盧龍自李懷仙至劉仁恭凡六姓傳十七世皆未有封
范陽王者叛臣史思明傳祿山反留思明守范陽乾元二
年僭稱大聖燕王疑此為思明守留僭王時逆黨崇奉之稱
此四可據也唐書百官志節度使屬無船舫副將等官而
都虞候及兵馬使皆屬兵馬元帥不屬節度使節度使屬
有巡官親事此碑作右巡親事指亦官職同而稱謂異守
捉見兵志乃分領節度屬下各州軍亦非節度衙門屬官
叛臣傳祿山潛位署拜百官疑此碑題名各銜乃祿山偽
定之制故與史志不相脗合此五可據也方鎮表實應元
年以平盧陷改平盧為盧龍節度使盧龍之升為節度軍

昉於此自李懷仙以後皆拜盧龍軍節度使或兼幽州是
實應以後盧龍不歸他軍所屬可知而此碑題名節度屬
官尚有盧龍節度其決非實應以後之官明矣此六可據
也地理志平州北平郡有盧龍軍天寶二載置此乃府軍
屬節度軍者故得以節度使屬僚遙領天寶以後正祿山
謀逆之時其時正合此七可據也安祿山傳賊據東京京繞
有密雲盧龍等郡是盧龍正在祿山所據之內則其分授
各官在所必有此八可據也碑首行稱奉為燕國范陽王
次行乃云保壽千秋萬歲悖詞逆理昭然若揭此九可據
也史思明傳乾元二年四月史國號大燕號范陽為燕京

此碑不曰大燕而曰燕國不曰燕京而曰范陽又可定為
史氏未僭帝以前所立矣史思明傳安慶緒時封思明為
偽川郡王思明時據范陽兵力出其偽主之上疑脅封范
陽而史不載耳又案范陽下閼字當為郡字無疑

通鑑輔
志

乾經文計每行約四十餘字永清文徵題名第一行兵
馬大將上奪管字二行親事將將作指五行船坊作
船舫末行馮下閼橋字防鎮作方鎮均誤都下二字作
君安良是又首行范陽下縣志作□黃氏遂斷為郡字
今審石本乃原空一格也

龍日寺西龕嚴武詩刻

高三尺八寸廣三尺九寸十六行十六字字徑二寸正書在巴州

五言暮春題龍日寺西龕石壁一首

巴州刺史嚴武

聖澤久潤物

皇明常燭幽

恩從祥風翔

德與和氣遊

國建香剎開巖臨僻州天長面綠水

地迴登朱樓尋異遍衆壑坐禪逢一邱永懷根本妙誓以身
心脩奇色豔草滿珍名嘉樹稠遠江崩濤誼複澗微雨休嘹
唳猿響谷叅差峯入流碧煙曳篁徑白日懸沙洲沅海謝安
石吟詩王子猷楊雄愛清靜山簡多優游性命固有分著龜

附唐乾元三年

何足求神閑孤臺月目送千里舟携手逸群器浩歌邈悠悠
山情慕禽尚詞格驚曹劉旌能舉滯時選異拔奇秋鼎食當
自致巖棲難留嗟余忝符守
漢主遠分憂往往行春
到聞□散客愁

右嚴武題龍日寺西龕石壁詩全唐詩不載武坐房琯
事貶巴州刺史琯被出在乾元元年巴州有武光福寺
佛龕記乾元三年四月立此刻與光福寺楠木歌皆無
年月其刻石當亦在是時

右金吾郎將馬君夫人令狐氏墓誌銘

高一尺一寸廣一尺七分十八行行十八字方界格後六分正書在東師臨午橋家

唐右金吾郎將馬君夫人燉煌令狐氏墓誌銘并序

漢
夫人其先出自周文王子畢公之苗裔也其後晉侯暘邑令狐因以命氏王莽篡漢將軍適匡復漢室為莽見貶子孫避難于燉煌因為燉煌人自茲厥後宗葉蕃碩曾祖文軌皇汾州長史祖思拯皇利州嘉川令父同祜蘭州金城令並自家

微
形國位烈休光夫人即金城府君之長女也昭然天假清懿典儀春秋十九歸于馬氏乃家沐清風耕和鳴偕老豈謂遊疾不愈積善無幾以上元二年七月廿二日終于私第春秋

歎

五十有子二人伯日文質前鄉貢明經李日大瞻初而聰敏
哀以泣血毀至絕漿以元年建子月廿一日捐于岐山陽遂
鄉之三時原禮也即夫人家迤非遠先塋又令歸魂而無柩
也獨悠悠於白日望悽悽於長川貞石紀時而為銘曰

逝往古來去不可止代如疾風歎茲闕水孤玉樹於庭中弄
明珠於掌裏事在生而永歎悲千秋而長已

此肅宗之上元二年也肅宗是年九月制自今以後去
上元之號但稱元年以今年十一月建子為歲首建丑
建寅每月以所建下明年又詔改元年為寶應建巳月
為四月餘月並依常數此誌正當始去上元年號以所

建紀月之時故其終也繫以上元二年其措也稱元年
建子月矣夫人曾祖文軌元和姓纂載之為後周河州
刺史令狐纂之孫文軌生思撫思抱而於夫人祖思拯
父同祗皆缺文軌官汾州長史亦不載

美原縣丞元復業墓誌銘

方一尺七寸五分二十四行
行二十五字字從六分行書

大唐京兆府美原縣丞元府君墓誌銘并序

朝散郎行大理□□紫魚袋陳翊撰

字三祐

府君諱復業河南人其先黃帝之孫至魏高祖始遷于洛邑
以元命代盛矣哉東西兩魏前後八帝疏封四十七王襲拜
廿五公族茂也 曾祖瀋皇隨州刺史左武衛大將軍

襲雲公 祖軋直泗州刺史 父思莊朝散大夫古

肅政臺侍御史時紹以生德世不乏賢 府君

侍御之弟四子自天聰敏少志於學覽春秋涵海之浸讀周

唐廣德元年八月十四日

易達陰陽之與舉孝廉射策第一應新鄉尉白水丞又遷美
原縣丞潔已也寒泉冽清莅事也新刀發劓三邑之政脩聞
厥聲京畿採訪使御史中丞盧公奐再有□狀舉能官也及
從調初擬掾於歧陽會有疾不成官而即世開元廿八年三
月廿八日於長安通化里私第瞑目春秋六十嗚呼

府君之爲人也興行宅義純孝茂才外垢浮華中味恬澹時
行時止知微知章每休官之暇常於終南山悅谷觀說幽奇
松溪月釣草堂雲宿賦詩數十篇陶情性而已不介乎壽夭
著其名悲夫

夫人權氏屯田郎中崇基之孫會稽令
上古之女生集以順閭坤而靜少習詩禮已婉於女儀嬌撫

龜 辨

諸孤更慈於母訓深精貫花之句遽興就木之悲天寶十四
載五月十八日終美原常樂里私弟從藁殯也有子四人名
掩三唐長日隸滄州清池尉次日啓大理司直次日用右驍
衛錄事參軍次日涉豐王府戶曹參軍長弼不天灑泣拱木
遂墨灼龜背墻開馬鬣以廣德元年八月十四日於三原縣
落泉鄉長平原祔

先塋禮也胡與司直有同官之舊

承命誌之銘日

嵯峨山頭懸片月日生蟠桃月又沒□夜一閑無昏曉蒼
萬古寒松老

右元復業墓誌大同^年太子丹^{大同遠道}壽昭未詳石今何在

據誌當出三原條通來士大夫官輟所經恒購石刻攜置
其家私為已物家珍使一邦文獻四散不賴還故處後之修
志者靡所徵考非所以重古人也復業及其曾祖已下
俱不見於史父思莊朝散大夫古肅政臺侍御史古蓋
右字之誤新書百官志武后文明元年改御史臺為肅
政臺會要光宅二年改為左肅政臺史置右肅政臺神
龍元年復改為左右御史臺思莊服官在武后時也虛
與新書附其父懷慎傳歷御史中丞陝州刺史遷兵部
侍郎天寶初出為南海太守以清節著稱其為京畿採
訪使傳未之及按唐置採訪使自開元始為中丞兼官

史略之夫人權氏之祖崇基見宰相世系表官屯田
員外郎誌據此作郎中少異崇基一子上仁無官誌作上古
會稽令可據此誌以正之撰文者陳劄史亦無攷

高士鄭忠碑

高六尺四寸五分廣三尺三寸八分二十五行行五十一字分書篆額題大唐故高士榮陽鄭府君之碑

大唐故高士榮陽鄭府君之碑篆額

府君諱忠字惟忠榮陽人也其先出自周宣王母弟友受封

於鄭□□□□□□為言□□□□□□為卓□併以國

命氏杔榆甲族繼美榮陽閭閻名賢散居天下七代祖覽河

間太守封鄭亭侯□幽州錄事參軍昌昌生高祖武清令羅

漢屬隨室土崩豪傑雲起有若竇建德者聚兵稱亂圍逼武

清時獨堅守孤城確固臣節□神堯□□壯之加右

衛大將軍宰縣如故進封永年公食邑一千戶茲邑建功之

唐永泰元年十月

恬

地子孫克守勲業至今家焉生曾祖諱贊贊生□祖諱□志俱以儒術著聞頻徵有道不起生皇考諱承元博學多藝時元師楊公問罪東夷請於幕府以豹略謀於軍事及還耻受討遠之□拂衣高蹈以例授陪戎副尉上護軍終不言祿節也府君即副尉之元子風槩天資碩德山立長材偉貌虬髯虎膺遊六經家□二事孝悌仁信禮讓溫恭皆發於自然若竹箭之有筠也早勤色養不願從仕中服儒行不沾於名晚固幽貞不超於世是以鄉黨三薦孝廉皆不之應其晦跡也恬然靜默其偶俗也同蒿滑和致身於木鴈與物為芻狗謂為幕隱不處於山林謂為趨榮不親於朝市□徒識其貌不

測其心徒仰其高難師其行至於□霸大略馭人體要守宰
欽風諮謀政術者踵至於門矣他□嘗獨立謂其子希潮吾
聞測天道靜觀人事九六之運莽卓之灾將丁

聖代介當堅秉誠節勤脩令名嗟吾道衰良恐不免居十數
歲果安氏遂命□據洛陽將欲崇式真賢輝光偽位以府君
林廬潛道馨香遠聞姑欲繫維允塞人望迫令強起尉于長
豐則知烏戾於天雲羅得之魚潛在泉川畧得之偽命逼於
正人烏可脫也雖欲逃於天穴於泉其可得乎洎史氏繼亂
抑授東光縣丞轉奉義郎左衛兵曹參□上護軍既睽宿心
曾不視事拂衣解印請留幽都闔門靜居屏弃塵事獨與一

二道者遊息乎家國幽賞琴壺倚傲雲月進則之為還能全
高卷舒在懷語默兼遂君子曰智哉以大道未清沉憂成疾
年五十七壬寅歲夏四月乙亥傾背於挹樓里之私第冬十
月

脞上翦四滑清三光凡拒兇徒特加超授議者以

府君遇亂脅從死節無撓逢

時旌善□涯不畱悲夫故

書曰高士成府君之志也夫人彭城劉氏柔順以成孝貞正
以幹家蕙心先□椒頌仍在丙申歲夏五月二十有七日先
府君而終享年五十有三嗣子希潮血毀長髯骨立過禮以
今年十有二月庚申安神於武清縣西北崇仁鄉白塔東北
原合祔於先塋之左空事尚儉奉遺誡也夫贊曾峯者磐乎

厚地濬洪流者發自深洪府君邁德於前錫羨於後故嗣子
以功驟遷金紫光祿大夫歷太僕卿文安郡別駕轉殿大監
幽州節度判官上柱國位雄卿月文頌 國風佐理鄭南
惠懷邑屋運籌前北磔裂僞林鬱此國楨獨耀鄉錦得非府
君善訓積慶之祐也以爲陳先構者匪仁揚美名者謂孝況
白華之悲岡極緇衣之頌未傳唐與殿監在幕密交匪才見
託俾賜先碣永示後賢詞曰

於赫我祖滎陽系先顯允烈考分族居燕才用駿發心機鏡
懸介視小節雄成大賢其大賢伊何以孝忘仕忘仕伊何屢
薦不起博考墳籍工言政理邁介克徒玷我良士其身擺偽

祿口今歸田獨與道者口栖浩然閑門柳白虛室草園元遽從
零露俄悲逝川其角立貞臣慶流賢子卿月高鑒堯天
佐理政必移風清口飲水柴也泣五杖而後起其怙恃合祔
毀瘠偏傷途搖白旄棺飾黃腸山門寂寂其壠樹蒼蒼秉茲幽
碣永播清芳其

節度判官兼掌書記朝議大夫行監察御史胡啓撰

處士成巖書并篆 龐庭滿刻

乙巳歲癸亥月丁丑日建

右高士鄭忠墓碑前人未著錄光緒八年武清令蔡壽臻
按得之忠武清人安史之亂安祿山偽授長豐尉史思明

偽授東光縣丞壬寅年歿為肅宗寶應元年史朝義之二
年己巳歲葬為代宗永泰元年則史氏平二年矣碑言高
祖羅漢武清令屬隋室土崩豪傑雲起有若竇建德者聚
兵稱亂圍逼武清時獨堅守孤城確固臣節神堯□□壯
之加右衛大將軍宰縣如故案新唐書地理志武清本漢
雍奴縣天寶元年更名隋時安得有武清令蓋撰文者以
當時縣名加之竇隋雍奴令也通鑑建德於隋大業十二
年稱長樂王滅於唐武德四年其圍雍奴事不見於史蓋
在武德二年遣大將高士興擊李藝於幽州屯籠火城時
也忠高尚其志優游山林遭遇世變連受偽命蓋耿仁智

張不矜之流並非甘心從逆實不能先自引決耳明詹成
巖均人姓名鄧名世古今姓氏書辨證明出自姬姓孟視
之孫以王父字為氏明僧紹見南史唐有諫議大夫明崇
儼成出自芊姓令尹成得臣以王父字為氏其後有成虎

漢成雄居上谷今尚有此二姓

順天
府志據

撰文者胡詹順天府志胡作明所据打本模訛而誤也
碑以干支紀歲不書年年號其夫人終於丙申歲為至德
元年忠卒於壬寅歲為寶應元年以忠逼受偽命偷息
幽都非心所甘削聖武顯聖等偽號不書宜也建碑在
乙巳歲為永泰元年河北早平何亦不書紀元耶其曰

乙巳歲癸亥月月建亦誤

崔文脩墓誌銘

高一尺七寸廣一尺七寸四分二十七行二十
七至三十字不等字徑六分正書在吳縣潘氏

大唐故曹州成武縣丞博陵崔氏府君改葬墓誌銘并序

嗣子正議大夫前行定州別駕兼太子僕賜紫金魚袋上

柱國玼叙文

玼昔遊於鎬京雍洛梁宋河朔名山大川秀潤形勝之地復
出入往來二陵之間觀古之宰貴重臣祠廟園塚之所見其
崩摧便房遺櫬與朽壤偕盡而獨銘誌尚存焉故諸侯計功
大夫稱伐勒名金石所以傳無窮之歲况我

先君府君德邁前古衣冠茂族万代一家扶風郡太君太夫人

唐大曆六年八月廿九日

人河南褚氏坤順志柔和顏清敏榮因重貴明德惟馨安可闕而不書矣

先父府君諱文脩字文脩宣德郎行曹州成武縣丞博陵安平人也先炎帝神農太公之後因食邑於崔因封賜姓自大唐受命之初封陳留縣侯因封而家焉子孫相傳已七代自漢高帝九年歲次癸卯爰及大唐八葉百有五十四年卅一世綿歷八百八十四年自周秦漢魏晉宋齊梁隋唐世世為卿相大夫至今軒冕尤盛代為名臣

曾 高祖客王 皇朝茂府都督 大王父諱巨英 皇襲

封太中大 夫守汴州刺史陳留縣侯 王父元周 皇宿

衛出身拜滄州景□縣主簿蜀州晉原縣尉 勅授朝散

大夫蔡州吳房縣令皆宣風惠□仁德濟世以至于 先

父府君軌範自天上善若水內外三教窮無□之要道知諸
行諸終始不替承 先人餘蔭宿衛出身拜潤州叅軍□

任曹州成武縣丞仁義包含器凌江海才高賈誼位屈桓譚
不幸積善無徵奄鍾天罰開元廿八年九月廿九日遇疾不
療崩背官舍擢安厝於汝南郡吳房縣城西北百步嗣子勉
等昊天同極思古敦本而思本焉以大厯六年歲次辛亥八
月甲寅朔廿九日壬午龜筮勒從遷厝於博陵郡安喜縣城
南一里長原禮也玆才行無聞不敢光揚休烈但直書其事

用表其千秋不易於琬琰其詞曰

長原博陵地橫千古樹茲松櫟再封吾土哀號先人掩於
泉戶仰天泣血伏茹荼苦永惟甘業爰諸祢祖忝繼箕裘悲
慙尸主宅地有期塗車已成像設九原分裂五情日慘寒色
風淒晚聲叩地長懷心摧骨驚刺肝書血刊石勒銘

崔文脩墓誌嗣子玳敘文誌稱大唐八葉百有五十四
年是以作誌之大厯為斷也其曰漢高帝九年年歲次癸
卯年綿歷八百八十四年按漢高祖九年癸卯至唐大厯
六年辛亥凡九百六十九年玳誤也新書宰相世系表
崔意如為秦大夫封東萊侯子業漢東萊侯然則崔氏

始封當推意如令託始漢高祖九年年是以業受封為始
矣業封東萊侯史記漢書年表皆無之